

գարար հողի վերայ, երկրորդը մշակում է հող լուկ ժամանակաւորապէս: Առաջինը մուծուած է հարկային ցուցակ, *adscripti censibus* է եւ պարտաւոր է վճարել պետական հարկ, բացի կալուածատիրոջ հասանելի հողագինը: Երկրորդը չէ ցուցակադրուած եւ հարկ չէ վճարում պետութեան, այլ որպէս ազատ ձեռք իր հողային աշխատանքի համար ստանում է վարձ հողատիրոջից: Առաջինը կոչուում է այս պատճառով *adscripticius* ‘ցուցակաւոր’, երկրորդը՝ ազատ կոչոն:

Ցուցակաւոր կոչոնների դժբախտութիւնը սկսւում է այն օրից, երբ պետական դանձարանը հրահանգում է որ կալուածատէրերը պատասխանատու են իրենց կոչոնների հարկերի դանձման համար (C. J. XI 50, 2): Կալուածատիրոջն է պատկանում հողը եւ ուրեմն նա է պատասխանատուն իր հողից պետութեան հասանելիք հարկի համար: Հեռանայ գիւղից կոչոնը, ուրիշ ասպարէզ ընտրէ, կամ մինչեւ իսկ մեռնի, միեւնոյն է, նրա բաժին հողի հարկը պարտաւոր է վճարել կալուածատէրը:

Այս օրէնքն արդէն բաւական է որ կոչոնը կորցնէ տեղաշարժի ազատութիւնը եւ միտուի հողին: Կալուածատիրոջ անձնական շահը պահանջում է որ չթողնէ կոչոնին վրել իր հողը: Կոչոնը շղթայուում է հողին: Որպէսզի սպահովէ տուրքերի դանձումը կալուածատէրը հարկ է համարում ձեռք դնել գիւղացու դոյքի վերայ, պատրաստ զբաւելու եթէ գիւղացին թերանայ իր պարտքը կատարել: Առաջ կոչոնը պետութեան հպատակ էր, այժմ դառնում կալուածատէր անհատի հպատակ, անպաշտպան, ենթակայ նրա կամքին: Նախկին *colonus* դառնում է *servus*:

Այս փոփոխութիւնը արձանագրուած է արդէն Դ. դարի վերջերին: Արկազ եւ Հոնոր կայսրները խոստովանում են, որ ցուցակաւոր կոչոնները, *adscripti censibus*, գրեթէ մատնւած են ճորտութեան *quadam servitute dediti* (C. J. XI 50, 2):

Ազատ կոչոնների գրութիւնը եւս վատթարանում է: Օրէնք կար, որ որդին ժառանգում է հօր վիճակը, լինի պէրէ թէ կոչոն: Անաստաս կայսրի (+518) օրէնքով, մի կոչոն որ 30 տարի աշխատում է միեւնոյն կալուածում, չի

կարող այլ եւս թողնել իր տեղը եւ մնում է կապուած հողին (C. J. XI 48, 19): Կարծում են, որ այս օրէնքը վերաբերում է իսկապէս ազատ կոչոններին: Սրանք յամենայն դէպս չեն իջնում մինչեւ ցուցակաւոր կոչոնների մակարդակը, պահելով որոշ ազատութիւն:

Հումէական վերջալոյսի այս կարգերը յարատեւում են բիւզանդական շրջանում: Փոխւում են միայն անունները: Սեփականատէր գիւղացիների հողերը կոչուում են *homokensa*, կոչոններինը՝ *homodoula*. պէրէ վերակոչւում է *chorites* կամ *curios*: Ազատ ընդունում է աւելի որոշ անուն *misthotos*, ‘վարձկալ կամ վարձաւոր’, իսկ հետագայում *mortites* ‘բաժնեւոր’, ցուցակաւոր կոչոնը պահում է իր անունը յունական թարգմանութեամբ՝ *epanographeoi*. ութերորդ դարում Իսաւրեան օրէնքագրութեամբ կոչոնները յայտարարւում են արձակ իրենց հողային կապեալ դրութիւնից:

Արեւմտեան մեծ հարեւանի գիւղացիութեան վիճակը կարող է ուղեցոյց լինել մեզ համար եւ ոչ միայն տեսական նկատումով: Փոքր Ասիան անձանօթ երկիր չէ իրանական քաղաքակրթութեան: Աքեմեան աշխարհակալների օրերից նա ենթակայ է եղել Իրանի ոչ միայն քաղաքական իշխանութեան, այլ եւ կրթել է սատրապական տնտեսութեան ազդեցութիւնը:

Փոքր Ասիական երկիրները մտնում էին Դարեհի հարկային սխտեմի մէջ: Սելեւկեան շրջանում եւս միեւնոյն տէրերն էին եւ կառավարութեան միեւնոյն եղանակը: Սասանեանների ժամանակ անմիջական դրացիներ էին եւ փոխադարձ ազդեցութեան տակ: Խոսքով Նուշիրուանի նորոգումները, նրա մուծած հարկային նոր սխտեմը, կարծում են, պարզ ընդօրինակութիւն է Բիւզանդական կարգերի, որ հիմնուած են Դիոկլետիանի ժամանակ եւ նրա ձեռքով:

Ընդհանուր նմանութիւն, շօշափման կէտեր, հնարաւոր են Բիւզանդիայի եւ Իրանական աշխարհի հարկատու ժողովրդեան գրութեան մէջ: Բիւզանդական կարգերը, որ շատ աւելի որոշ են եւ աներկրայ, կարող են առաջնորդել դէթ ուղիղ շաւղի վերայ դնելու իրանական եւ նրա հետ հայ գիւղացիութեան վի-